



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՇԻՐԱԿԻ ՄԱՐԶ
ԱՆԻ ՀԱՄԱՅՆՔԻ ՂԵԿԱՎԱՐ**

«Շիրակի մարզ, քաղաք Մարալիկ, Մաղաթյան 1
Հեռ. (0242)2-24-00, (0242)2-22-37, (044)04-50-50»

Ո Ր Ո Շ ՈՒ Մ

ՎԱՐՉԱԿԱՆ ՎԱՐՈՒՅԹԻ ԺԱՄԿԵՏԸ ԵՐԿԱՐԱԶԳԵԼՈՒ ՎԵՐԱԲԵՐՅԱԼ
«24» «Տարբեր» 2025 թվական N 249 -Ա

1. ՆԿԱՐԱԳՐԱԿԱՆ ՄԱՍ

«Շիրակի մարզի Անի համայնքի ղեկավար՝ Արման Սարիբեկյանս, վարչական իրավախախտումների վերաբերյալ ՀՀ օրենսգրքի (այսուհետ՝ օրենսգիրք) 275-րդ հոդվածով սահմանված կարգով, վարչական իրավախախտման վերաբերյալ գործը քննության նախապատրաստելով, ղեկավարվելով՝ օրենսգրքի 219՝ հոդվածով, 2025 թվականի մարտի 21-ին, ժամը 11:00-ին Մարալիկ քաղաքում, դռնբաց վարույթի ընթացքում, քաղաքացի՝ Միհրան Վաչագանի Հակոբյանի (հասցե՝ ՀՀ Շիրակի մարզ, Անի համայնք, Բագրավան, Փողոց 1, տուն 15) ներկայությամբ, օրենսգրքի 277-րդ հոդվածով սահմանված ժամկետների պահպանմամբ, 248-րդ հոդվածով սահմանված սկզբունքներով և 278-279-րդ հոդվածներով սահմանված կարգով քննելով՝ Միհրան Վաչագանի Հակոբյանի կողմից Օրենսգրքի 48-րդ հոդվածի 2-րդ մասով սահմանված վարչական իրավախախտում կատարելու վերաբերյալ արձանագրությունը և կից նյութերը, պարզեցի:

**2. ԳՈՐԾԻ ԼՈՒԾՄԱՆ ՀԱՄԱՐ ԷԱԿԱՆ ՓԱՍՏԵՐ
ԵՎ ԻՐԱՎԱԿԱՆ ՀԻՄՆԱՎՈՐՈՒՄՆԵՐ**

Անի համայնքապետարանի աշխատակազմի աշխատակիցներ Վիլիելմ Օլեյանի և Պատվական Սարգսյանի կողմից օրենսգրքի 9-րդ, 251-րդ, 254-րդ և 255-րդ հոդվածներով սահմանված կարգով կազմվել է քաղաքացի՝ Միհրան Վաչագանի Հակոբյանի կողմից Օրենսգրքի 48-րդ հոդվածի 2-րդ մասով, նախատեսված վարչական իրավախախտում կատարելու վերաբերյալ արձանագրություն:

2025 թվականի մարտի 05-ին բացահայտվել և արձանագրվել է, որ քաղաքացի՝ Միհրան Վաչագանի Հակոբյանի կողմից 48-րդ հոդվածի 2-րդ մասով կատարվել է իրավախախտում:

Քաղաքացի՝ Միհրան Վաչագանի Հակոբյանը արձանագրության կրկնօրինակը ստացել է, ստանալու փաստը հավաստվում է փոստային անդորրագրով: Կազմված արձանագրության հիման վրա 2025 թվականի մարտի 21-ին ժամը 11:00-ին իրականացվել է վարչական վարույթի լուծումներ: Վարչական վարույթի լուծումներին ներկա է գտնվել պատշաճ ծանուցված քաղաքացի Միհրան Վաչագանի Հակոբյանը և Վաչագան Միհրանի Հակոբյանը:

Վարույթի ընթացքում Միհրան Վաչագանի Հակոբյանը ներկայացրեց իր առարկությունը վարչական իրավախախտման վերաբերյալ կազմված արձանագրության և վարչական վարույթի վերաբերյալ:

Վարչական վարույթի ընթացքում առաջացան տարաբնույթ հարցեր արձանագրությանում նշված հողատարածքի վերաբերյալ: Մասնավորապես՝ Միհրան Վաչագանի Հակոբյանը վարչական վարույթի լուսմների ժամանակ հայտնեց և վարչական մարմնին ներկայացրեց թիվ ՎԴ5/0097/05/08 վարչական գործով վճռի օրինակը, համաձայն որի վճռվել է Կադաստրի պետական կոմիտեին պարտավորեցնել ընդունել բարենպաստ վարչական ակտ, կատարել սեփականության իրավունքի պետական գրանցում Միհրան Վաչագանի Հակոբյանի անվամբ Շիրակի մարզի Բագրավան գյուղում գտնվող ավտոշարայան /գարաժ/, արհեստանոցի շենքի և պարսպապատված հողային տարածքի /1.20 հա/ նկատմամբ: Միհրան Վաչագանի Հակոբյանի պնդմամբ արձանագրության մեջ նշված Անի համայնքի սեփականություն հանդիսացող 08-022-0007-0024 կադաստրային ծածկագրով հողամասը ենթակա է գրանցման Կադաստրի պետական կոմիտեում, որի վերաբերյալ կներկայացնի հավելյալ ապացույցներ:

Ղեկավարվելով «Վարչարարության հիմունքների ու վարչական վարույթի մասին» ՀՀ օրենքի 47-րդ հոդվածի 1-ին մասի «ա» կետով և ելնելով վարչական վարույթի բազմակողմանիության, լրիվության և օբյեկտիվության սկզբունքից՝ որոշվեց վարչական վարույթը երկարաձգել և նշանակել մեկ այլ հերթի՝ լրացուցիչ ուսումնասիրություններ և ճշգրտումներ կատարելու համար:

3. ԵԶՐԱՓՈՒԿԻՉ ՄԱՍ

Հաշվի առնելով վերոգրյալը, ղեկավարվելով՝ Օրենսգրքի 23-րդ հոդվածի 2-րդ կետի, 32-րդ, 34-րդ հոդվածի 1-ին և 2-րդ մասերի, 37-րդ, 48-րդ, 281-րդ հոդվածի, 282-րդ հոդվածի 1-ին կետի, 283-րդ, 286-288-րդ, 298-րդ, 305-րդ և «Նվազագույն ամսեկան աշխատավարձի մասին» ՀՀ օրենքի 3-րդ հոդված, «Տեղական ինքնակառավարման մասին» ՀՀ օրենքի 42-րդ հոդվածի 1-ին մասի 8-րդ կետով, «Վարչարարության հիմունքների և վարչական վարույթի մասին» Հայաստանի Հանրապետության օրենքի 20-րդ, 47-րդ, 55-րդ, 58-րդ հոդվածի 1-ին կետով, 59-րդ, 60-րդ, 69-րդ, 70-րդ, 71-րդ հոդվածների դրույթներով՝

ՈՐՈՇԵՑԻ

1. Քաղաքացի՝ Միհրան Վաչագանի Հակոբյանին վարչական պատասխանատվության ենթարկելու վերաբերյալ վարչական վարույթը երկարաձգել և նշանակել 2025 թվականի ապրիլի 03-ին ժամը 11:00-ին :
2. Որոշման օրինակը եռօրյա ժամկետում ուղարկել քաղաքացի՝ Միհրան Վաչագանի Հակոբյանին:
3. Սույն որոշումն ուժի մեջ է մտնում քաղաքացի՝ Միհրան Վաչագանի Հակոբյանին պատշաճ կարգով իրազեկելու պահից:
4. Սույն որոշումը կարող է գանգատարկվել քաղաքացի՝ Միհրան Վաչագանի Հակոբյանի կողմից որոշման ուժի մեջ մտնելու օրվանից հետո երկամսյա ժամկետում՝ վարչական, կամ դատական կարգով:



Ա. ՍԱՐԻԲԵԿՅԱՆ